

DE STUDIO ET OPERA SINGVLARI,  
EXPLICANDI DOCTRINAM TRIANGV-  
LORVM, GEORG. IOACHIMI RHETICI.

**A**strorum cupidi & Geometriæ,  
Aut quoscunq; iuuant uenustiores  
Artes principijs suoq; fonte  
Deductæ, eia agite immolate Musis,  
Vosq; illis simul exhibite gratos.  
Nam doctrina breuis triangulorum  
Sic congesta labore Ioachimi  
Rheti prodit, & explicata paucis,  
Vt longè canonas triangulorum  
Omnes uincat & aureas tabellas.  
Multæ myriades licet nouarum  
Fingantur, tamen ut minutiores  
Riui fonte regurgitant ab isto.  
Hæc promptè tibi seruiunt in usu  
Planorum simul atq; Sphæricorum,  
Hinc motus pete prosthaphæresesq;  
Aut si quæ magis inuoluta credis  
Complecti Astronomos suis libellis.  
Quin gnomonica si catoptricenq;  
Vmbra & luminis opticen magistram,  
Aut nouisse cupis Geographorum  
Scriptis tradita, Musicasq; chordas,  
Instrumentaq; fabricata mirè.  
Hæc ductu facili tabella monstrat  
Ter secta serie, Geometriam  
In primis numerosq; disce saltem  
Exactè, eia agite immolate Musis,  
Vosq; illis simul exhibete gratos,

Mathias S. R.  
φιλομαθης. F.  
A ij